

**Inatsisartut 2009-mi ilassutitut aningaasaliissutitut inatsisissaattut siunnersuut**

(Aningaasanut Naalakkersuisoq)

**Saqqummiussissut****Siullermeerneqarnera****Saqqummiussissut**

Matumuuna Naalakkersuisut sinnerlugit Inatsisartut 2009-mi ilassutitut aningaasaliissutitut inatsisissaattut siunnersuut saqqummiuppara. Missingersuusiortarneq pillugu inatsimmi § 26-mi aalajangersakkani allassimavoq ukiup aningaasaliiffiusup ingerlanerani aningaasaliissutit oqaasertaliussallu nutaat allanngortitalluunniit ilassutitut aningaasaliissutitut inatsimmut ukiumi tulliuuttumi saqqum-miunneqartussami ilanngunneqartassasut.

Taamaalilluni Inatsisartut 2009-mi ilassutitut aningaasaliissutitut inatsisissaattut siunnersuut aningaasaleeqqinnermut inatsisitut isigineqartariaqarpoq. Ilassutitut aningaasaliissutitut inatsisikkut Naalakkersuisut aningaasanut inatsimmut oqaasertaliussani piginnaatitsissutit, Inatsisartut Aningaasaqarnermut Ataatsimiititaliaata Inatsisartullu ukiumi aningaasaliiffiusumi 2009-mi aalajangeriigaat, tunngavigalugit aalajangiisimaneramik pissusissaatut inissiisoqarpoq.

Inatsisartut 2009-mi ilassutitut aningaasaliissutitut inatsisissaattut siunnersuutip imarai ilanngussaq 1 aningaasaliissutit allannguutaannik 2009-mi akuersissutigineqartunik takutitsisoq aamma ilanngussaq 2 taamatutaaq 2009-mi oqaasertaliussat allannguutaannik akuersissutigineqartunik takutitsisoq.

2009-mut Aningaasanut Inatsit aamma Inatsisartut 2009-mi ilassutitut aningaasaliissutitut inatsisissaattut siunnersuut ukiumi aningaasaliiviusumi 2009-mi aningaasaliissutitut tamarmiusunut takussutissaapput. Taamaalillutik Nunap Karsiata 2009-mi naatsorsuutaanut Inatsisartut ataatsimiinnermi matumani kingusinnerusukkut suliarisassaannut aallaaviupput.

Inatsisartut 2009-mut aningaasanut inatsisaat missingersuutini IST-mi 310,6 mio. koruuninik amigartooruteqarnissamik takutitsivoq. Inatsisartut Aningaasaqarnermut Ataatsimiititaliaata 2009-p ingerlanerani ilassutitut aningaasaliissutissat missingersuutini IST-mi amigartoorutissanik 694,3 mio. koruuninik amerlisitsisut akuersissutigereerpai. Taamaalilluni Inatsisartut 2009-mi ilassutitut aningaasaliissutitut inatsisissaattut siunnersuutip kingunerissavaa ukiumi aningaasaliiffiusumi 2009-mi missingersuutini IST-mi 1.004,9 mio. koruuninik amigartooruteqartoqarnera.

Taamatut oqaaseqarlunga Naalakkersuisut Inatsisartut 2009-mut ilassutitut aningaasaliissutitut inatsisissatut siunnersuutaat Inatsisartunut suliassanngortippara.